



Inatsisartuni Ilaasortaq Marie Fleischer
Inuit Ataqtigiit
Maani/-

**Inatsisartuni ilaasortap Marie Fleischer, Inuit Ataqtigiit, § 36 tunngavigalugu
apeqquteqaataanut allakkatigut akissuteqaat.**

Asasara Marie Fleischer.

§ 36 tunngavigalugu akileraarutini A-ni akiitsuulersimasut pillugit suliap qanoq ingerlanera
apeqquteqaatigaat.

Apequtigisavit akinnginnerini aallaqqaatigalugu malugeqquara, naatsorsueriaaseq maanna
atorneqartoq, qangali atorneqartortaaq tunngavigalugu kisitseriaatsimi akiligassat
katersuuttarsinnaaneri, malitsigisaanillu akiligassat ilaat annaaneqartarlutik.
Akiitsoqartitsinerni tamani naatsorsuutigineqartuaannassaaq akiligassalinnik ilaqartarmata
akiliisussaannigitsutut imminnut isigisunik.

Akileraartarnermut Aqutsisoqarfiup maannangaaq naatsorsuutigilereerpaq sulisitsisut
akiliutissaasa 1 %-ii (30.000.000 kr.) isumakkeerinnissutaasariaqartut. Ukiuni
aningaasarissaarfusuni annikinnerusinnaapput, ajornartoornernili annertunerusinnaallutik.

Isumaqqanngilanga tupaallaatigineqarsinnaasoq – ilimagereertariaqarmata –
akileraartarnermi qitiusumik aqutsisoqalernerme ikaarsaariarnermi
ajornartorsiuteqartoqqannginnaviannngimmat. Siusinnerusukkut allanissaaq sulianik
ataatsimoorussilernerme pissutsit taamaattut atuuttuaannartarput.

Qitiusumit aqutsisoqalerneratigut akileraartarnerme akiliisitsiniartarnerit
ajornannginnerulersissavaa, aningaasartuutinillu ikililerissutaassalluni. Sulisitsisunik
akiliisitsiniartarnerit ajornannginnerusunngortinniarneqarput, pingaartumik qarasaasiat
atorlugit sulisitsisut akiligassaminnik isumaginissinnaalersillugit, kingornalu
Akileraartarnerme Aqutsisoqarfiup ajornannginnerusumik nakkutigisinnaalerlugit.

Dato: 26. marts 2009.
Postboks 1037
3900 Nuuk
Oq/tel +299 34 50 00
Fax +299 32 46 14
oed@gh.gl
www.nanoq.gl

Qitiusumik aqutsiviliornermi naatsorsuuserivik sulisitsisunillu nalunaarsuinerit naleqqussarneqarput. Maanna paasinarsivoq Akileraartarnermut Aqutsisoqarfiup sulisitsisut namminneq nalunaartarnissaannik isumalluarnera eqquutinngitsoq, suliassat annertuallaarput, sulisitsisullu qarasaasiat atorlugit nalunaartarsimangillat.

Suliani tamani sulisitsisut nassuiaataat pappiararsornaqisut naatsorsuutigisamit ikilerarsimangillat, malitsigisimavaalu nalunaarusiat qarasaasianut allattornerini naatsorsuusiomerinilu sulisut amerlanerusut pisariaqartinneqarsimasut. Nakkutillisoqarfimmi sulisut, sulisitsisut A-nik akileraarutissaminnik nalunaaruteqanngitsunik nakkutilliisut, pinngitsaaliillunilu akiliisitsiniartarnerit ilimagisamit pisariunerusimapput.

Akileraartarnermut Aqutsisoqarfiup ineriartorneq malinnaaffigaa, qitiusumillu aqutsisoqalerneqarput sulisitsisunik nalunaarsuinerit sulisunit amerlanerusunit immikkut naatsorsuuserinernik ilinniagalinnit suliarineqalerpoq, sapinngisamik nalunaarsuinerit nutartertuarneqarput, A-nik akileraarutissamik akiligassallit piaartumik pinngitsaaliilluni akiliisinneqarsinnaaqullugit. Kisitsisinik saqqummersitani takuneqarsinnaavoq 2008-mi ukiup affaani siullermi ilorraap tungaanut ingerlasoqarsimasoq, Akileraartarnermullu Aqutsisoqarfiup ajunngitsumik ingerlasoqalernertut nalilersimasaa.

01/01-2007 qitiusumit aqutsisoqalermat qaammatit 15-it ingerlapput, pisortanut akiligassallit akiliisinniarnaqartarnerannut, ilaapputaaq akileraarutissat A-t 01/04-2008 qitiusumit aqunneqalersoq. Qitiusumik akiliisitsiniartarfiup eqqortumik nalunaarsuinerini qaammatit pingasut-sisamat atortariaqarsimai, aatsaallu 2008-p aasaani suliariaasissat inaarsarneqarput atorneqalerlutillu, aallarniutigineqarput A-nut akileraarutissamik akiligassaqaarnerpaat 100-t, suleriaaseq ineriartortinneqarpoq, nalinginnaasumik akiliisitsiniartarnerit saniatigut.

2008 aasaagaa akiliisitsiniartarfik akiitsut annikillisinneqarnissaannut suliaq aallartinneqarmat akiligassallit katersuutiinnalersimapput.

Aallartinniarnermi ajornartorsiortoqaraluartoq taamani suliap pissusissaatut ingerlasorinarpoq. Ukiakkuani aningaasaqarnikkut ajornartoorneqarnera malugineqalerpoq, sivirusumik ilimagineqalersimasoq piviusunngorpoq, ilimagisamillu eqquinerlunnerulluni. Aningaaseriviit arlallit akiliisinnaajunnaarput, aningaaseriviillu sinneruttut inuinnarnut suliffeqarfinnullu atukkiisarnitik sukannernerusunngortippaat, nioqqutinillu tikisitsisartut akiligassarsinikkut tikisitsisarnitik ajornartorsiutigilerpaat.

Tusagassiutini arlalitsigut allaaserineqarpoq suliffeqarfiit ingerlalluaraluartut suliffeqarfinnut aningaasaliinissaminnut killiliiffigineqartut, inuinnaallumi soorlu illusisinnaanerminnulluunniit akunnattoortitaapput. Akiligassarsisinnaanermi malittarisassat sukaternerisa kinguneraa nunatsinni suliffeqarfiit eqqorneqarnerat, nioqqutissanillu akiligassarsilluni tikisitsisinnaaneq killilerneqarportaaq, nunarsuup sinnerani atuuttumissaaq.

2008-mi ukiup affaani kingullermi sulisitsisut akiligassaas annertuseriarujussuarput, Naalackersuisullu ilimagaat akiligassarsisinnaanermi piumasaqaatit sukannernerusunnortinneqarneranni, sulisitsisullu akiitsoqalernerini akiligassarsisinnaanerup ajornarnerulererata kingunerigai, nalinginnaasumillu aningaaserivitik aqputigalugit akiitsorsinnaajunnaaramik A-nut akileraarutissaagalugit akilinngitsoortalersimagaat.

Akileraartarnermi Aqutsisut 2009-p aallartinnerani paasimmagu imaaliiallaanaq ajornartorsiut qaangerneqarsinnaanngitsoq Naalackersuisut ilisimatipaat sulisunik naammattunik atorfinitsitsiniarluni aqutsisoqarfiup iluani sulisunik nikerartitsisariaqalernerminnik, sinerissamilu sulisuminnik ikililerisariaqarnerminnik, sulisitsisut nakkutiginerulerneqarnissaat anguniarlugu.

Naalackersuisut Akileraartarnermi Aqutsisoqarfiup naliliinera taperserlugu 29. januar 2009 immikkut ittumik tapiissuteqarnissamik qinnuteqaateqarput, Akileraartarnermi Aqutsisoqarfimmi sulisitsisunik nakkutilliisut sukumiinerusumik nakkutilliisussanik sulisussanik atorfinitsitsinissamut atugassanik.

Naak 300.000.000 kr-t annertugineqarsinnaagaluartut, erseqqissaatigineqassaaq A-nut akileraarutissat Sulisoqarnermilu Akitsuutit ukiumut 2.000.000.000 kr-ummata, akiitsuulersimasullu naatsorsoraanni qaammatip aappaa affaq isertitat annertoqatigaat.

Apeqquteqaatinut makku paasissutigineqassapput:

1. A-nut akileraarutissat januar 2007-mi qitiusumik aqutsisoqalerneranit qaammatikkaarlugit qanoq annertutigippat?

Aallaqqaatigalugu erseqqissaatigissavara A-nut akileraarutissat qanoq annertussuseqarnerat erseqqivissumik nalunaarutigineqarsinnaanngimmat, ingerlaavartumimmi nalunaarsuinerit nutaat, akiliinerillu imaaginnavimmata, februar qaammat 2009 akileraarutissanik akiligassallit suli akiliisimannngimmata, taamaattumik akiligassallittut taaneqarsinnaanatik.

Kisitsisit ataani taaneqartut missingersuutaapput, ingerlarngalu miserrattissaanngila

1. januar 2007-miit 28. februar 2009-mut sulisitsisut akiligassaat imaapput:

Piffissaq:	Akiligassat tamarmik:	Tamakkerlugit:
I. kv. 2007	0	0
II. kv. 2007	0	0
III. kv. 2007	35.999.090	35.999.090
IV. kv. 2007	70.226.893	106.225.893
I. kv. 2008	69.013.205	175.239.188
II. kv. 2008	51.509.258	226.748.446
III. kv. 2008	32.102.040	258.850.486
IV. kv. 2008	129.355.953	388.206.439
01 – 31/01-2009	51.140.788	439.347.227
01 – 28/02-2009	82.439.748	521.786.975

Malugeqqusaq: Akiligassat tamakkerlugit naatsorsornerini sulisitsisut akiligassaat, sulisisoqarnermut akitsuutitt aamma suliffeqarfiit, iluanaarutinillu akileraarutit ilaapput.

Kisitsisini qulaani takuneqarsinnaapput januar 2007-imiit 28. februar 2009-mut akiitsut 521.786.975 kr.-usut.

- Malugeqquneqarpoq inernerani A-nut akileraarutit, sulisoqarnermut akitsuutit, Suliffeqarfimmut akileraarutit, iluanaarutinillu akileraarutit ilaammata (taakkumi ataatsimoorput, allanullu inissinneqarsinnaanatik)
- Ilanngullugu erseqqissaatigineqassaaq kommunet 42.500.000 kr.-nik, Namminersornerullutik Oqartussat 45.600.000 kr.-nik, Namminersornerullutillu Oqartussat suliffeqarfiutai 46.400.000 kr.-nik akiligassaqarfigineqarmata. Kisitsisit tassaapput naatsorsuutinut ilanngutassat, tasaanatillu nalinginnaasumik akiligassatut taaneqarsinnaasut.
- Tamakkiisumik kisitsit iluarsineqassaaq, inerneranilu Suliffeqarfiit akileraarutissaat, Iluanaarutinillu Akileraarutissaat 52.200.000 kr.-ussallutik.
- Kiisalu ilanngunneqassaaq aallaqqaasiinermi taaneqartoq februar 2009-mut nalunaarusiaasimasooq killeqartinneqarmat 10/03-2009.

Taakku iluarsiivigineqarneranni A-nut akileraarutissat Sulisoqarnermilu Akitsuutit taamaalillutik 300.000.000 kr.-t missigilerpaat.

2. Akiitorsilerneqarsimasut 300 mio. kr.-t sinnillit A-nut akileraarutissat suliffeqarfinni assigiinngitsuni, namminersornerullutik oqartussat suliffeqarfiutai ilanngullugit, qanoq agguataarsimappat.

Namminersornerullutik Oqartussat naatsorsuuseriviani nalunaarusiani ajoraluartumik suliffiuteqarfiit/suliffeqarfiit sorliit pineqarnersut takuneqarsinnaangillat. Kommunet akunnerminni namminersornerullutik oqartussanut akiitsoqarneri qulaani kisitsisini takuneqarsinnaapput.

3. Sulisitsisut akiitsui 300 mio. kr.-t sinnillit Naalakkersuisut qanoq akilersinniarpaat? Piffissaq qanoq sivisutigisoq atorniarneqarpa?

Erseqqissaatigineqassaaq akiliisitsiniartartut aasakkulli 2008-mili ajornartorsiut ilisimalereersimavaat, pilersaarusiukkamillu akiliisitsiniarnerit aallartillugit.

Suliaq marloqiusanngorlugu avinneqarpoq, akiligassaqalersitsinaveersaartussat, sulisitsisut ingerlaannartumik attaveqarfingineqassapput, nassuiaatigeqquneqartoq/akiligassamik akiliinngitsoornerit ataasiaannarpata piaarnerpaamik attavigineqartassapput (misilittakkat tunngavigalugit suliffiuteqarfinnut minnernut pitsaasumik kinguneqarsimasoq). Aappaattut pinngitsaalilluni akiliisitsiniartarneq ingerlanneqarpoq, akileraarutinut A-nut akiligassallit (pinngitsaalillugit) akiliisittarnerisigut, inatsisillu atuuttut akiliussigallartarnerit isumaqatigiissuteqarnikkut ingerlanneqarput.

Suliap ingerlanissaanut naatsorsuutigineqarpoq ukioq ataaseq, aappaa affarluunniit atorneqartariaqartoq.

4. A-nut akileraarutaasussat 300 mio. kr.usut akilersinniarnerni suliffeqarfiit akiliisinnaajunnaartussat pillugit Naalakkersuisut qanoq iliuuseqarniarpat – nunarsuarmi aningaasarliorneq eqqarsaatigaluguttaaq.

Suliffeqarfiit ataasiakkaat A-nut akileraarutissanik akiligassaqalersimasut paasineqaraangata aningaasaqarnerat nalilersorneqartarpoq, suliffeqarfiullu piinik nalilersuisoqartarpoq akiliisinnaanera paasiniarlugu.

Naalackersuisut siunertarinngilaat suliffeqarfiit matunissaat, ataasiakkaanilli assersuutissaqarpoq suliffeqarfiit A-nut akileraarutissaminnut nassuiaatissaqanngitsunik akilersuinissamillu periarfissaqanngitsunik, siusinnerusukkutaaq akiitsunik.

Naak suliffeqarfinnik matooraasoqarusunngikkaluartoq, taamaattoq suliffeqarfiit ingerlaannarnerisigut Landskarsi suli annertunerusunik ajunaaruteqartarsinnaavoq, taamaasigaangallu akiliisinnaajunnaarnermik nalunaaruteqartarneq akiligassat annikillisinniarlugit avaqqukkuminaattarpoq.

Tassunga tunngatillugu erseqqissaatigineqassaaq akiliisinnaajunnaarlutik suliffeqarfiutillit matusisarnerini landskarsi annaasaqassagaluartoq, taamaattoq imaangilaq akiliisinnaajunnaarnermi akiligassat annertunersaat annaaneqarnaviangillat.

Malugeqquneqarportaaq akiliisinnaajunnaarnermik nalunaaruteqartoqartanngikkaluarpat suliffeqarfiit unammilleqatigiinnerinut suliffeqarfinnut piffissaagallartillugu akiliisinnaasunut (landskarsimutaaq) ajoqutaassagaluartoq, ajornartorsiortut paasineqareeraluaraangataluunniit.

5. Nunarsuarmi aningaasarliornerup atuutileranerit piffissap ingerlanerani sivikitsumi sulisisunit akiisorilerneqarsimasut arajutsineqarsimappat?

Akiligassat ilaat qaammatini 15-imi katersuussimapput (01/01-2007-imiit 31/03-2008-mut), piffissami tassani akileraarnermi sullissineq, akiliisitsiniartarnerillu qitiusumit aqunneqalerput, qaammatillu pingasut-sisamat aasaq 2008 ingerlapput akiliisitsiniartartut pilersaarusiorkkamik akiliisitsiniartalerminni.

Akiliisitsiniartarneq qitiusumit aqunneqalernera ilutigalugu aningaasarliorneqalerpoq, nunatsinni suliffeqarfiit aningaasatigut ingerlanerliulernerannik kinguneqartumik, soorlu siuliani nassuiaatigineqareersoq.

Taamaattumik oqartoqarsinnaangilaq sillimasoqarsimanngitsoq, pisulli piarinaatsoornikkut pinerisa kinguneraat.

6. Qanittumi Danmark-imi suliffeqarfiit qaammatit pingasut A-nut akiligassaminnut akiliinissaminnut periarfissinneqarput. Naalackersuisut assingusumik iliuseqarniarpaat?

Siuliani taaneqareersutut suliffeqarfiit ataasiakkaat akiliisinaaneri nalilersorneqassapput.
Malitsigiumaassavaalu suliani ataasiakkaani piffissami aalajangersimasumi
akilersuisitsisinnaaneq.

Illuatungaaticut kissaatiginanngilaq nalinginnaasumik akiliinissat kinguartittarnissaat,
ukiunimi kingullerni inatsisiliornerit innarlerneqassammata, maannami akiliisitsiniarnermi
piffisaq sivikillisinniarneqarmat.

Naggataagut erseqqissaatigineqassaaq akiliinissamut piffissarititaasup sivitsorneragut
suliffeqarfiit akileraarutininik A-nik akilijuaannartut equngasumik unammillerneqalernissaat.

Taamatut akissuteqarnikkut Naalackersuisut neriutigaat apeqquteqaatit
akineqarsimassasut.

Inussiarnersumik inuulluaqqusillunga

Per Berthelsen